

نفسى أرقص معاك سلو

لا عيون تشوفنا ولا قلبى ناس يكسفوة

ودقات قلبى فى لحن تتوة

نفسى ارقص معاك سلو*

ايدى تكون فى ايدك ولحن حلو نسمعة

عينى تكون فى عينك واى فكر نودعة

ورمشك لو تاة اقوم بقلبى ارجعة

نفسى ارقص معاك سلو*

نفسى اكون معاك على راحتى

ويبقى حضنك هو راحتى

انام وانسى الكون براحتى

نفسى ارقص معاك سلو*

روحي واخدة من روحك ميعاد
وبيتقابلوا من غير ميعاد
اقول كلمة الاقيها منك تتعاد
نفسى ارقص معاك سلو*
نفسى اترجم قلبى بيقول اية
ودقاتة اللى بتوجع بنت الاية
تقولى كلام واحن الية
نفسى ارقص معاك سلو*
نفسى البس فستان احمر
من غير ما احط فى وشى احمر
اصل كلامك هيخلية احمر
نفسى ارقص معاك سلو*
احكىلى شعورك بنظرة بلمسة ايد
ما هى عنيك سبب الحيرة والتنهيد
انسى وارجع الاقى شعورى اكيد

نفسى ارقص معاك سلو*
خلينى احبك من سكات
الصمت بيكون افضل ساعات
ونظرة منك قلبى مات
نفسى ارقص معاك سلو*